

2024ko INAUTERIAK IRAGARTZEKO KARTELA AUKERATZEKO LEHIAKETAREN OINARRI ARAUAK

1.- 16 urtetik gorako pertsona orok parte har dezake lehiaketa honetan.

2.- Jatorrizko lanek 32cm-ko zabalera x 48cm-ko altuera izango dute; ezinbestekoa da formatu digitalean aurkeztea. Eta aukerakoa, paperean edo/eta kartoi-lumazko euskarrian, kolore orotan eta edozein modalitate artistikotan.

Lana formatu digitalean 300 ppp*ko erresoluzioan eta CMYK erako koloretan aurkeztu behar da.

3.- Kartelak "HERNANIKO INAUTERIAK 2024" goiburua eraman behar du.

4.- Lehiakideak aurkeztu dituzten obren erantzule izango dira jabetza intelektualaren ondorioetarako, baita aurkez litekeen edozein erreklamazioren aurrean ere, irudi eskubidea barne.

5.- Idatzizko eta irudi bidezko komunikazioan, hizkuntza eta irudien erabilera ez-sexista bermatuko da. Bereziki pertsonen irudiak erabiltzekotan, emakumeen eta gizonen presentzia modu orekatuan eta ez-estereotipatuan islatuko dira. Udaleko web orrian eskuragarri dago jarraitu beharreko gida: *"Komunikazio berdinzalerako jarraibideen gida: Ahozko, idatzizko eta irudi bidezko komunikazioa Hernaniko Udalean"*.

6.- Lanak aurkezteko epea 2023ko azaroaren 24an amaituko da eguerdiko 14:00etan. Jatorrizko lanak Biteri kultur etxean zein emailaz aurkeztuko dira. Emailaz kultura@hernani.eus helbidera bidali beharko dira, eta lanarekin batera, egilearen izena, helbidea eta telefonoa igorriko dira. Biteri kultur etxean, datu pertsonalak aparteko gutunazal batean aurkeztuko dira.

Bai online bai aurrez aurre aurkeztutako lanetan, lanak jaso izanaren ziurtagiria edo mezua jasoko dute egileek. Beraz, erantzunik jasotzen ez bada, lanak behar bezala iritsi ez direla adieraziko du.

7.- Kartela 2024ko urtarrilaren 2a baino lehen iragarriko da. Inauterietako Jai Batzordeak lehen lau kartelak aukeratuko ditu, eta ondoren, herritarrek bozka emateko aukera izango dute, presentzialki eta online. Pertsona bakoitzak bozka bat emateko aukera izango du. Bozka errepikatuak ez dira kontuan hartuko.

Bozka gehien jasotzen dituen kartela proposatuko da Inauteriak iragartzeko kartela izan dadin.

8.- Jai Batzordeak lehiaketa hutsik uztea erabaki dezake, eta ondorioz, kartela egiteko beste bide batzuk landu.

9.- Sari bakarra 700 eurokoa izango da. 350 euro Hernaniko Berriak elkarteko dendetan erabili beharko dira eta gainerako 350 euroak transferentzia bidez jasoko ditu irabazleak.

10.- Hernaniko Udalak izango du saritutako lanaren jabetza.

11.- Ezinbestekoa da 2024ko otsailaren 1a baino lehen obra horiek kultur etxetik erretiratzea; data horretarako jaso ezean Udalaren eskuetara pasatuko dira.

12.- Erabakia apelaezina izango da.

13.- Lehiaketan parte hartzeak oinarri hauek guztiak onartzea dakar.

14.- Hauek dira kontuan izan beharreko datak, beraz:

- **Azaroak 24, 14:00ak bitarte.** Proposamenak jaso. Ondoren, Inauterietako Jai Batzordeak 4 kartel aukeratuko ditu.
- **Abenduak 11 – 22.** Herritarren bozka jasotzeko epea: online kultura.hernani.eus webgunean eta Biteri kultur etxean.
- **Abenduak 29.** Bozka gehien jaso dituen kartelaren iragarpena.

Hernanin, 2023ko azaroaren 2an